

Թեղուտի հանքավայրի շահագործման ծրագրի իրականացման նպատակով անտառային ծածկույթի հատմամբ անտառային տնտեսությանը հասցվող վնասի հատուցման ծրագրի շրջանակներում անտառապատման աշխատանքներ իրականացնող կազմակերպության ընտրության մրցույթի պայմանները, հայտի ձևը, հայտին կից ներկայացվելիք փաստաթղթերի ցանկը, անտառապատմանը ներկայացվող պահանջները և Հանձնաժողովի կողմից հայտերի գնահատման չափանիշները

1. Մրցույթին մասնակցելու հայտի հետ միասին մասնակիցը պետք է ներկայացնի՝

1) մասնակցի պետական գրանցման վկայականի, ներառյալ բոլոր ներդիրների պատճենները.

2) հարկային մարմին ներկայացրած և վերջինիս կողմից ընդունված 2010 թվականի ֆինանսական հաշվետվության պատճենը՝ հաստատված հարկային մարմնի կողմից կլոր (բնօրինակ) կնիքով.

3) տեղեկանք հաստատված հայտատուի գործադիր մարմնի ղեկավարի կողմից՝ համապատասխան (անտառապատման և անտառի խնամք իրականացնելու) ոլորտում փորձառության մասին, որին պետք է կցվեն 2008-2010 թվականների ընթացքում համանման ծառայությունների մատուցման պայմանագրերի և կատարողական փաստաթղթերի պատճենները (առկայության դեպքում).

4) տեղեկանք ՀՀ դատական ղեկարտամենտից՝ անվճարունակ ճանաչված չլինելու մասին.

5) գնային առաջարկ՝ անտառապատման աշխատանքային նախագծի գիրք 2-ում ներկայացված ծավալների հիման վրա:

2. Անտառապատմանը ներկայացվող պահանջներն են՝

1) Անտառապատումը պետք է իրականացվի «Հայաստանի Հանրապետության Լոռու մարզի Արջուտ և Օձուն համայնքներին պատկանող հողերում շուրջ 80 հեկտար հողատարածքի անտառապատում» աշխատանքային նախագծով (այսուհետ՝ Նախագիծ) սահմանված տարածքներում.

2) Անտառապատումը պետք է իրականացվի Նախագծով սահմանված կարգով ու պայմաններով:

3. Մրցույթին ներկայացված հայտերի գնահատման նպատակով հանձնաժողովը հիմք պետք է ընդունի՝

1) հայտի համապատասխանությունը մրցույթի պայմաններին.

2) հայտում ներկայացված տվյալների արժանահավատությունը.

3) հայտով ներկայացված գնային առաջարկը (անտառապատվող տարածքի յուրաքանչյուր հեկտարի համար գինը, ներառյալ մինչև անտառի շարք տեղափոխելը խնամքի աշխատանքները): Այն դեպքում, երբ հայտատուն առաջարկություն ներկայացրել է երկու լոտերի համար, սակայն լոտերից միայն մեկի մասով հաղթող ճանաչվելու դեպքում հնարավոր է աշխատանքների ծավալի փոփոխությամբ պայմանավորված գնային առաջարկի փոփոխություն, հայտում պետք է նշվի այդ փոփոխության կոնկրետ չափը:

ՄԱՍՆԱԿՑՈՒԹՅԱՆ ՀԱՅՏ

_____ հայտնում է, որ ցանկություն
մասնակցի անվանումը

ունի մասնակցելու Թեղուտի հանքավայրի շահագործման ծրագրի իրականացման նպատակով անտառային ծածկույթի հատմամբ անտառային տնտեսությանը հասցվող վնասի հատուցման ծրագրի շրջանակներում _____ լոտով (լոտերով) սահմանված տարածքներում անտառապատման աշխատանքներ իրականացնող կազմակերպության ընտրության մրցույթին:

Մրցություն հաղթելու դեպքում յուրաքանչյուր մեկ հեկտար տարածքի անտառապատումը պարտավորվում էմ իրականացնել _____ դրամ վճարի դիմաց (տես կից հաշվարկն ըստ ամփոփաթերթի):

Կից ներկայացնում եմ մրցույթի համար անհրաժեշտ փաստաթղթերը:

Առդիր՝ _____ թերթ:

Այն դեպքում, երբ հայտատուն առաջարկություն ներկայացրել է երկու լոտերի համար, սակայն միայն լոտերից մեկի մասով հաղթող ճանաչվելու դեպքում հնարավոր է աշխատանքների ծավալի փոփոխությամբ պայմանավորված գնային առաջարկի փոփոխություն, հայտում պետք է նշվի այդ փոփոխության կոնկրետ չափը:

_____ Մասնակցի անվանումը _____ ղեկավարի պաշտոնը, անուն ազգանունը _____ ստորագրությունը

Կ. Տ.

«_____» օգոստոսի 2011թ.